

21

NA VAAI IOSEFA SAMITA I LE TAMA FAALELAGI MA IESU KERISO

FOLASAGA MO LE FAIAOGA

Ina ia e saunia faaleagaga e aoao atu lenei lesona, faamolemole ia faitau ma mafaufau loloto i mea nei:

O Iosefa Samita o le uluai perofeta o lo tatou vaitaimi. Na vaai ma talanoa o ia ma le Atua le Tama ma Iesu Keriso. E ala mai ia Perofeta Iosefa, na toefuatai mai ai e le Alii le Ekalesia moni ma le atoaga o le talalelei. (Tagai Talafaasolopito—Iosefa Samita 2:9–19.)

SAUNIUNIGA

- Faitau le Talafaasolopito—Iosefa Samita 2:9–19 ma ia saunia e faamatala ootoo le tala o le Uluai Faaaliga.
- Aumai se kopi o le Tusi Paia.
- Aumai se kopi o le Penina Tau Tele. Faailoga le Talafaasolopito—Iosefa Samita 2:17 e faafaigofie ai ona e susue i ai.

GAOIOIGA E AOA O AI

Amata i se gaoioiga faapotopoto. Mo manatu, tagai i le itulau 3.

Tatalo Valaaulia se tamaitiiti e faia le tatalo amata.

Tala mai Tusinga Paia Faaali atu le ata o i le itulau 90 a o e faamatalaina ootoo le tala o le Uluai Faaaliga (tagai Talafaasolopito—Iosefa Samita 2:9–19). O loo i lalo se faaitaiga:

O se ata lea o Iosefa Samita (*faasino ia Iosefa; valaaulia tamaiti e fai mai “Iosefa Samita”*). Na manao o ia e fia iloa po o le fea ekalesia e sa’o. Na faitau o ia i le Tusi Paia (*Susu’e le Tusi Paia*) faapea e mafai ona tatou tatalo e iloa ai le mea moni (*Valaaulia tamaiti e faafoliga o loo faitau*). Na alu Iosefa i se togalaau (*faasino i laau*) e fesili i le Tama Faalelagi i le tatalo. A o tatalo o ia, na vaai o ia i le Tama Faalelagi ma Iesu Keriso.

Susu’e le Penina Tau Tele i le Talafaasolopito—Iosefa Samita 2:17 ma ta’u i tamaiti o le a e faitauina atu le tala na tau mai e le Tama Faalelagi ia Iosefa Samita. Faamalamalama atu faapea na tusi [le aao o le] Tama Faalelagi ia Iesu Keriso ma faapea mai: “O Lo’u Atalii Pele Lenei, Faalogo ia te Ia!” Faamalamalama atu na fetalai atu Iesu ia Iosefa o le a Ia toe aumaia le Ekalesia moni a Iesu Keriso.

Faamalositino Toe faamatala le tala. I le taimi la lea, ia tutu i luga tamaiti ma sisii mauuluga o latou lima e faafoliga o ni laau i le Vao Paia. Fai i tamaiti e luelue e pei o loo lue laau i le matagi a o e talanoa e uiga ia Iosefa o loo tatalo. Ona fai atu lea ia i latou e tutu sasa’o faalelei ma fifilemu pe a e faamatalaina atu ia i latou na oo mai le Tama Faalelagi ma Iesu ia Iosefa.

Pese Usu pe fai atu upu o le pese “I Se Taeao Manaia” (*Tusipese a Tamaiti*, 57) ma fai ia taga o loo i lalo. Valaaulia tamaiti tou te faia faatasi I Se Taeao Manaia, na faaali ai, (*sisii i luga lima e pei o ni laau*) Le Tama ma Lona Alo ia Iosefa. (*tootutuli ma pūilima*)



MOTUGAAFA FAAFAIAOGA

Tala: O tamaiti laiti e pupuu taimi e filemu ma faalogo ai. Fuafua auala e faaafia ai i latou i le tala. Mo se faaitaiga, e mafai ona latou uvina ata pe faaitaitai mai i fuaiupu. Fai ma taofi ae faasino i vaega o le ata, ma ia lava le umi e faaali ai ia vaai i ai tamaiti taitoatasi a o le i faaauvina le tala. (Tagai O Le Aoa Atua, E Leai Se Isi Valaauga e Sili Ai, 191.)

Pese: “O fati o musika e fesoasoani i tamaiti e manatua ai le mea na latou usuina ma le savali o upu” (O Le Aoa Atua, E Leai Se Isi Valaauga e Sili Ai, 183). O musika o se auala lelei foi e valaaulia ai le Agaga i totonu o le vasega.

Faaiuga Tuu atu sau molimau puupuu na vaai Iosefa Samita i le Tama Faalelagi ma Iesu Keriso.

Tatalo Valaaulia se tamaitiiti e faia le tatalo faaiu.

GAOIOIGA E FILIFILI AI

SAUNIUNIGA *Mo le gaoioiga i papeti tamatamai lima:* Kopi ma oti ese ia papeti tamatamai lima o i le itulau 91 pe faaoga ia papeti na e faia mo le gaoioiga faapoopo o i le lesona 9. Valivali papeti pe a mananao ai. *Mo le gaoioiga valivali:* Kopi le ata tusi o i le itulau 91 mo tamaiti taitoatasi e valivali.


Fuaiupu o Gaoioiga Tauloto le fuaiupu o le gaoioiga lea, ma valaaulia tamaiti tou te faia faatasi:

Na tootuli Iosefa i lalo o laau, (*sisii i luga lima pei o ni laau*)

Ma faia se tatalo faapitoa. (*piilima lima*)

Na vaai o ia i le Tama ma le Alo (*vaai i luga, faapaolo mata i le lima*)

Ma faalogo ia i Laua. (*faaofuofu le lima i le taliga*)



Gaoioiga i Papeti Tamatamai Lima Toe faamatala oototo le tala o le Uluai Faaaliga, i le taimi la lea ia faaoga ia papeti tamatamai lima na e saunia. Ia uu e tamaiti ia papeti pe a latou mananao ai.

Valivali Ia valivali e tamaiti taitoatasi se kopi o le ata tusi o i le itulau 91. A o valivali i latou, toe faamanatu le tala o le Uluai Faaaliga. Faasino i vaega o le ata ma faamalamalama i tamaiti le ata o loo latou valivalia. Faitau atu ia i latou upu o i le ata.


MOTUGAAFA FAAFAIAOGA

Molimau: Faailoa atu lau molimau i se auala faigofie ma maoti; mo se faataitaiga: "Ou te iloa na vaai Iosefa Samita i le Tama Faalelagi ma Iesu Keriso."

Papeti tamatamai lima: Afai e te filifili e faia le gaoioiga lea, atonu o le a e manao e fai ia lava papeti tamatamai lima ina ia tofu le tamaitiiti ma le papeti e taalo ai.

Tamaiti matutua: Mafaufau e valaaulia tamaiti matutua atu e toe faamatalaina le tala o le Uluai Faaaliga i tamaiti laiti. Faali ia i latou le auala e faaoga ai ia papeti tamatamai lima po o le ata o i le itulau 42 e faamatala ai le tala. O le fesoasoani i tamaiti e aoga e le tasi le isi o se auala sili ona aoga e faamalosiava ai mea na e aoga atu ia i latou.





Na Vaai Iosefa Samita i le Tama Faalelagi ma Iesu Keriso

Kopi le itulau lea ma ooti ese ia papeti tamatamai lima i luga o laina solo atoa. Gagau i luga o laina togitogi. Ona faapipii lea o itu, ae faaavanoa pito i lalo ia mafai ai ona faamaulu papeti i tamatamai lima o tamaiti.

